

Headline	TNB peroleh dana RM144j biaya projek Solar Berskala Besar		
MediaTitle	Harian Metro		
Date	11 Jan 2019	Language	Malay
Circulation	112,705	Readership	338,115
Section	Bisnes	Page No	37
ArticleSize	100 cm ²	Journalist	N/A
PR Value	RM 11,772		



Kuala Lumpur

TNB peroleh dana RM144j biaya projek Solar Berskala Besar

Tenaga Nasional Bhd (TNB) memperoleh pembiayaan RM144 juta bagi projek Solar Berskala Besar (LSS) keduanya di Malaysia yang terletak di Bukit Selambau, Kuala Muda, Kedah.

Dalam satu kenyataan semalam, TNB berkata, pembiayaan untuk projek itu dimeterai oleh anak syarikat milik penuhnya, TNB Bukit Selambau Solar Sdn Bhd (TBSS) bersama MUFG Bank Malaysia Bhd, baru-baru ini.

Katanya, MUFG Bank menyediakan pembiayaan sehingga RM144 juta serta keperluan modal kerja untuk projek terbabit.

"TBSS yang ditubuhkan sebagai syarikat tujuan khas (SPV) untuk membangunkan LSS di Kuala Muda memperoleh projek berkenaan daripada Suruhanjaya Tenaga

menerusi proses pembidaan kompetitif.

"TNB dan TBSS menandatangani Perjanjian Pembelian Tenaga (PPA) selama 21 tahun untuk projek ini pada awal Mac 2018 dan ia dijangka siap menjelang suku keempat 2020," katanya.

TNB berkata, LSS itu memiliki kapasiti penjanaan 30 megawatt (MW) dengan kapasiti terpasang DC pada 45MWp.

"Projek LSS pertama TNB beroperasi di Kuala Langat, Selangor dan mempunyai kapasiti penjanaan 50MW dengan kapasiti terpasang DC pada 78MWp.

"Kedua-dua projek LSS ini mengukuhkan aspirasi dan komitmen TNB untuk mempertingkatkan tenaga boleh diperbaharui (RE) dalam negara," katanya.